

Transkription von Urkunde HRO 1381a

Ort, Datierung: Rostock, 1381-06-25

Signatur: Stadtarchiv Rostock, U 3, a, Stadtbuchanlagen U 3a 1381 August 30 [\[online\]](#)

Inhalt: Hinric Trepetow: Vollmacht zur Nutzung zweier Häuser

Bemerkung: anderes Datum: 30.8.1381

Ik hinric Trepetow eyn borgh(er)e to Rozstocke myt mynen rechten erue(n) ¹ beke(n)ne vn(de) bethughe ope(n)bar an dessem breue vor alle den ghenen de / desse bref horen lezen vn(de) seen dat dat hũs dar her Hinric de p(ro)uest thõ bũtzow vn(de) de archydiaken thũ Rozstocke ane wonet dat / dar stejt yeghen Volrat Vorholtes ouer vn(de) dat hũs dat dar bysteyt achter Wylken moleknechtes hũs de sulue(n) twe hus my ghe=/screue(n) synt inder stad bũc thũ t(ru)wer hant dat ik vn(de) myne erue(n) ande(n) vorbenu(me)den twen erue(n) nictes dar ane hebbe edd(er) hebben / schole(n) . Mer wer(et) dat de vorbenu(me)de p(ro)uest edd(er) weme he dat bevule dedes mach hadde dede vorbenu(me)den twe hũs vor kofte edd(er) vor gheue / zo scal ik vn(de) myne erue(n) de vorbenu(m)den twe hũs ga(n)tz vorlate(n) va(n) der ha(n)t vn(de) deze kofte edd(er) weme ze worde(n) ghe gheue(n) va(n) deme de des / mach hadde van des vorbenu(m)den p(ro)uestes weggen deme schal ich vn(de) myne erue(n) de vorbenu(m)den twe hũs ga(n)tz scriue(n) late(n) tho der / ha(n)t Vortmer beke(n)ne ik myt myne(n) erue(n) dat ik vn(de) myne a(n) den Worbenu(m)den twen hũzen nictes betalet en hebbe(n) men de vorbe=/nũmede p(ro)uest heft de vorbenu(me)den twe hus betalet myt zyneme eghene(n) ghelde Vn(de) dat he my vn(de) myne(n) erue(n) de vorbenu(me)den twe / hũs let scriue(n) dat dede de vorbenu(me)de p(ro)uest nach deme zede vn(de) nach deme Rechte der stad thũ Rozstok we(n)te meyn nene(n) papen / thu Rozstok erue scrift tho ener ope(n)barere(n) betughi(n)ne zo hebbe ich hinric trepetow borgh(er)e thũ Rozstok myn Inghezeghel ghehe(n)ghet / vor dessen breef dede gheuen vn(de) ghe screue(n) Js thũ Rozstocke na godes bort dortejnhundert iar in deme eyn vn(de) achte(n)techghesten / Jare des anderen daghes na sunte Joha(n)neze baptiste(n) alzo alze vmme wart dat howet wart afghe slaghen /

¹ eingefügt